

Low Income Home Energy Assistance Program (LIHEAP)
(Program pomoći za plaćanje kućne energije osobama/domaćinstvima s niskim primanjima)
Fiskalna godina 2022-2023. Činjenice
Pod rukovodstvom Odsjeka za službe u zajednici
Usluge pružaju Agencije za akcije u zajednici

SVRHA: Pomoć za domaćinstva s niskim primanjima s troškovima grijanja kuće kroz dvije (2) komponente:
1. Subvencija – pomoć za sva kvalifikovana domaćinstva.
2. Krizna – pomoć kvalifikovanim domaćinstvima koja su u krizi s grijanjem kuće.

DJELOVANJE: Community Action Kentucky, Inc. će sklopiti ugovor s dvadeset tri agencije za akcije u zajednici kako bi obje komponente programa funkcionisale u svih 120 okruga. Prijava za obje komponente će se primati u lokalnoj agenciji za akcije u zajednici ili na određenim lokacijama za svaku okrug.

PODOBNOST: 1) Domaćinstvo, zavisno od veličine, mora imati primanja prema navedenom ili niža:

<u>Veličina domaćinstva</u>	<u>Ukupan mjesečni prihod</u>	<u>Veličina domaćinstva</u>	<u>Ukupan mjesečni prihod</u>
1	\$ 1,473	5	\$ 3,518
2	\$ 1,984	6	\$ 4,029
3	\$ 2,495	7	\$ 4,541
4	\$ 3,007	8	\$ 5,052

Za svakog dodatnog člana porodice dodati \$511.

- 2) Morate biti odgovorni za plaćanje troškova grijanja ili plaćati za grijanje kao dio najamnine.
- 3) Pored navedenih uvjeta kvalifikovanosti, podnosioci molbe za kriznu pomoć moraju predati molbu u roku od 4 dana od kada ostanu bez loživa, ako su im drva, ugalj, plin, loživo ulje ili kerozin izvor grijanja, ili prime od vendora obavijest o neplaćenom računu ili isključenju energije (na primjer: obavijest o kašnjenju s plaćanjem, obavijest o isključenju, konačna obavijest pred isključenje ili aktivan plan plaćanja zaostatka duga za komunalne usluge). Podnosioci molbe za kriznu pomoć koji učestvuju u programu za pretplaćenu električnu energiju, ispunjavaju uvjete ako njihova pretplaćena električna energija ističe za 10 dana. Ako su troškovi energije neodređeni dio najamnine, neophodna je obavijest o deložaciji.

**PERIOD ZA
PODNOŠENJE
MOLBE:**

Subvencija: Molba se mora podnijeti u periodu od 7. novembra do 16. decembra, 2022.

Krizna: Molbe se mogu podnijeti od 9. januara, 2023 do 31. marta, 2023 ili sve dok ima raspoloživih fondova.

Podnosioci molbe koji nisu u stanju sami predati molbu mogu imenovati ovlaštenog predstavnika ili kontaktirati lokalnu agenciju za akcije u zajednici radi daljnjeg dogovora. Ako imenovani predstavnik nije glava domaćinstva ili bračni drug, predstavnik mora imati pisano ovlaštenje da u ime domaćinstva podnese molbu. Osobe koje nemaju imenovanog predstavnika trebaju kontaktirati lokalnu agenciju za akcije u zajednici koja im može pomoći da pronađu predstavnika ili se mogu napraviti alternativni dogovori. Samo jedna osoba iz domaćinstva treba podnijeti molbu.

**PROCES
PODNOŠENJA
MOLBE:**

Podnosioci molbe moraju ponijeti sljedeće:

1. Broj socijalnog osiguranja ili karticu osobe sa stalnim boravkom (zelenu kartu) za svakog člana domaćinstva.
2. Dokaz o primanjima u domaćinstvu (za sve osobe) za prethodni mjesec.
3. Svoj posljednji račun od grijanja, izjavu vlasnika stana da li su vam troškovi grijanja uključeni u najamninu, izjavu komunalne kompanije ako učestvujete u programu za predplaćenu električnu energiju
4. Broj računa i ime nosioca računa za glavni izvor grijanja i električnu struju.

Pored toga, za kriznu komponentu, podnosioci molbe za pomoć s plaćanjem prirodnog plina ili struje moraju donijeti obavijest o isključenju/neplaćanju (na primjer: obavijest o kašnjenju s plaćanjem, obavijest o isključenju, konačna obavijest pred isključenje ili aktivan plan plaćanja zaostatka duga za komunalne usluge). Ako vam je grijanje uključeno u najamninu, morate donijeti kopiju ugovora o najamnini i obavijest o deložaciji. Podnosioci molbe koji učestvuju u programu za pretplaćenu električnu energiju moraju donijeti izvještaj od komunalne kompanije na kojem se vidi da im je preostalo 10 dana ili manje pretplaćene električne energije.

**PRUŽENE
BENEFICIJE:**

Subvencija: Iznos pomoći koju prima domaćinstvo će se temeljiti na stupnju siromaštva i vrsti goriva koje se koristi za grijanje. Domaćinstva s najnižim prihodom, koja koriste gorive koje je najskuplje u sezoni grijanja, će dobiti najveću pomoć. Sva kvalifikovana domaćinstva će dobiti pomoć. Pomoć će se uplaćivati primarnom snabdjevaču grijanja za domaćinstvo

Krizna: Beneficije su ograničene na minimalni iznos neophodan za ublažavanje krize koji ne prelazi maksimalan iznos dozvoljen državnim propisima. Pomoć može biti u obliku dostave goriva, ponovnog uspostavljanja usluge, deka ili vreća za spavanje, pozajmljivanja grijalica i pružanja hitnog skloništa. Krizna pomoć će se pružiti u roku od 48 sati ili 18 sati ako je situacija opasna po život.

**UPUĆIVANJE
KLJENATA:**

Klijenti kojima su potrebne dodatne informacije za bilo koju komponentu FY 2022-2023 LIHEAP programa trebaju kontaktirati svoje lokalne agencije za pomoć u zajednici ili Community Action Kentucky (CAK), besplatni broj telefona 1-800-456-3452 (TTY raspoloživ za osobe s oštećenim sluhom).

**PRAVA PODNOSIOCA
MOLBE:**

Svaki podnosilac molbe ima pravo žalbe ukoliko mu se odbije pružanje pomoći. Ova prava i postupci žalbe na slučaj biće objašnjene podnosiocima molbe tokom procesa prijave. Ukoliko podnosilac molbe nije zadovoljan lokalnom odlukom, može se dalje žaliti Kabinetu za zdravstvene i porodične usluge.

PRAVILA:

NE dajite lažne informacije i ne prikrivajte informacije da biste dobili LIHEAP beneficije. Koristite LIHEAP beneficije samo za svoje domaćinstvo. Ako **PREKRŠITE** ova pravila, LIHEAP beneficije vam se mogu obustaviti i možete krivično odgovarati za prevaru. Nazovite telefonsku liniju za prijavu prevara na 1-800-372-2970 i prijavite svaku informaciju o prevari ili zloupotrebi LIHEAP beneficija.